

مشرط الفقه

۱۳۲۶

دوسعادتده یکی پوسته خانه قارشوسنده
دائرة مخصوصه در

محل اراره:

انظار:

مساکنده موافق آثار جدیده مع المنزیه قبول اولنور
در حج ایدیلیمین آثار اعاده اولنور

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف ادیب

درسعادتده نسخه سی ۵۰ پاره در

تیریلده دن مقوا بورو ایله کوندریلیرسه سنوی
۲۰ غروش فضله آلنیر.

تاریخ تاسیسی:

۱۱ نموز ۳۲۴

سنه لکی التي ایلنی

۳۵ ۶۵

۵۰ ۹۰

۵۰ ۹۰ غروشدر

درسعادتده

ولایاتده

ممالک اجنبیه ده

درسعادتده پوسته ایله کوندریلیرسه ولایات بدلی اخذ اولنور.

عدد: ۱۶

۳۲۶ ذی القعدة ۱۶ پنجشنبه ۲۷ تشرین ثانی ۳۲۴

برنجی سنه

ایده جک آنجق حریت فکریه در . استبدادک آغیری حریت فکریه تجاوزدر .

[تریسه] ایچون قوانین طبیعیه یی اوکرنک لازم ؛ تاکه اونلری تسخیر ایدرک حریت طبیعیه منری الله ایده بیللم . حریت فکریه دخی عالم نفوسده جاری اولان قوانین مانع اولور . اونی دخی کندمنه بند ایتلی یز . حادثات نفسانیه جمله سندن اولمق اوزره غضب ، کین هر درلو احتراصات بزى طوغرو دوشونمکدن منع ایدر . سربست و طوغرو دوشونمک شرطی استراحت در . انسانلر طبیعتلرینک هجانلی زمانلرنده ، بدنآونفساً راحت ایتدکلی آنده آیی دوشونمه مشلدر . انسانلر ایشه بوکبی موانعه غلبه ایتدکجه آیی دوشونمه من . بونک ایچون دخی علم لازم در . خلاصه قوانین مدنییه اطاعت لازم در . بر طرفندن ده اصلاحنه سعی و غیرت ایتدک بر مانع یوقدر . ذاتاً بز قوانین مدنییه اطاعت ایله حر اوله بیلیرز . بونک خارجنده اعمال فکر ایتدک حریتدن چیقمق در . حریت تریسه ایچون مساوات ده اولمی در . بوراده مساوات مطابقا ایکی شیئک ویا ایکی شخصک عینی اولمی دیئک دکل در . ذاتاً بویله برحاله بوعالمده تصادف ایدیللم . بر قالبدن چیقان شیلر ده بیلر فرق واردر . مخلوقات ایچنده ایسه بر برینه مساوی ایکی مخلوق موجود دکل در . مطلقاً آزالرنده بر اختلاف واردر . هیچ بر ذهن تصور ایده بیلر میسکز که قواجه ، طرز تفکر جه دیگر بر ذهنک مساوی اولسون ؟ بوفکر آ تصور اولنسه بیلر مادی بر صورتده موجود اولدیغنی ادما ایتدک قابل اولماز . زیرا طبیعتده بویله تساوی یوقدر . مساوات بومعنایه آلمانلی در . علم التریسه ده مساوات دیئک هر کسی بر قالبدن چیقارمق دیئک دکل در . بو اوله ماز . زیرا الله اوله خلق ایتدک در . ذاتاً انسانیت ایچون - بر حدیث شریفک مال عالیه نظر آ - بو اختلاف رحمت در . بز یوکسک ذهnlر محتاجز . اصحاب دهـا بزه رهبرک ایده جک . اونلر ده بزم سویه مزده قالدق اولورسه جمعیت ترقی ایده من . اوله ایسه مساواتی باشقه جهته آرا می در . هرکس انسان اولمق حیثیتله تعلیمده مساویدر . هرکیم اولورسه اولسون مثلاً بر مکتبه مراجعت ایدرسه سن فلانک اوغلیسک ، سن فقیرسک دییه قبول ویا رد ایتدک اولما می . هرکس تعلیم و معرئته مساوی در . بر کیسه یه سن شونی تحصیل ایتدکجه جکسک ، دنمز ، تربیه ده مساوات بودر . حقوقده مساوات بوکا دیرلر . بر کیسه نك علمی وار ، حیاتی نجیب ، قوه ارتیادیه سی متین ، اقتضا ایتدکجه اک بحرانی زمانلر ده ثبات کوسترر ، اک شدید واک مدهش منظره لر قارشوسنده - بویوک قوماندانلر کبی - قرار ایدر . شمعی بودرجه کاله واصل اولان کیسه لرله هنوز او قومق یازمق بیلنلر ، حیاتیات خسیسه اربابی ، متین اداره یه مالک اولمیانلر بر اولورمی ؟ لکن هر ایکی طرفه منسوب اولانلر حقوقده مساوی در . محکمه یه کیدله یی دعوالرنده حق آرائیر ، هراکیسنه عینی معامله ایدیا ییر .

تربیه نك اساسلرندن بری ده [تکافل] نظریه سی در . اولاً بونی بیللی که کرک عائله کرک بر قوم کرک اقوام سائره افرادینه منسوب اولسون ، بر کیسه نك نفی دیگر هم جنسی ایچون دخی نفع در . ینه

عینیه برینک ضرری دیگرینک ده ضرری موجب در . بوکا لسان علمده [تکافل] نظریه سی دینیر . بومآلده حدیث شریف دخی شرف واردر . انسانلر ده بر حس محبت وار . یکدیگرلرینه قارشو قلبلرنده بر طاقم محبت مکنوزدر . بز برینی متألّم کوردکی اونک المنه اشتراک ایدرز . زجناک بر کیسه نظره ایلیدشیمی اوکیسه نك قومیتی ، دینی نظر اعتباره آلتیه رق قلبلر یزده مرحمت حس ایدرز . بواساس در . بزم قلبلر یزک حیثیت اصلیه سی بوزان کین ، حسه کبی بر طاقم احتراصات در . بونلردن تعری ایدیکز ، امین اولیکز که هرکس حقنده بر محبت حس ایدر سکز . بوحقیقتی سمدی مرحوم نه شمشعه افاده ایله ، نه کوزل بیان ایتدک در . بنی آدم اعضای یکدیگرند که در آفرینش زیک کوهرند چو عضوی بذر دآورد روزگار دکر عضو هارا نماند قرار توکز محنت دیگران بی غمی نشاید که نامت نهند آدمی حقیقه غیرک آلامندن آزاده اولانلر آدم دیئک جائز دکل در . بو رابطه یعنی ابنای جنسینک الامنه اشتراک عائله ده دها زیاده در . عائله افرادندن بری متألّم ایسه دیگر عائله افرادی مطابقا کدرناک در . ترقیات مدنییه دخی جمله نك اشتراکی وار . دنیاده کچمش وشمیدیک حالد موجود اقوامک هانکیسی نظر اعتباره آلتیه اولسون هر بری کندی مقدار نجه علم ، مدینه یاردم ایتدک در . اقوام آراسنده دخی بر رابطه شدید مشهوددر . دنیانک بر طرفنده بحران مالی اولور . بز نه قدر اوزاق بولورسدق بوانه لم ، بوندن متأثر اولورز . بوتأثر اولا عائله افرادنده ثانیاً بر قوم افرادنده درجه دها زیاده در . شونی هیچ بر زمان اونوتاملی که بر یزک ضرری دیگر یزک ضرری در ، بوزمانک تربیه سی اساسندن بری ده آکلاشیلیورک [تکافل] در . تربیه ده فضیلت دخی بر اساس مهم تشکیل ایدر . فضیلت ، غلبه معناسنده در . نفسنر ایله واقع اولان مجاهده لرده غلبه ایده ایده ، ممارسه کسب ایلیه ایلیه احراز ایتدکمز بر مزیت اولدیغنی ایچون فضیلت تسمیه ایدلش در . بونده نه قدر ایلری یه کیدرسک اغراض ، آمال خسیسه او قدر یولندن کری قالیر . بوتون احرار بوسو یلدیکم وظائف ایله مکلف در . لکن علم التریسه ده بر اساس مهم دها وار که بالخاصه نظر دقتی جالب در : علم التریسه هندسه کبی ، جغرافیا کبی وطنی اولیان بر علم دکل در . بونی نظر دقته آله رق احکام دیانته ، منافع وطنیه یه توفیق حرکت ایتلی در . بز بواساسلره رعایت ایتلی یز و صرف بومقصدله حرکت اولورسه حریت مستحق انسانلر یتیشیر . ال اله ویرمک ، بو وظائفه چالیشمق اقدس وظائفمزدر . هپ غیرت ایدرک وطنی بونلر نائل ایدلم .

غیر مسلمه سلام

مناسبات بشریه نك کسب صمیمیت ایدرک بین الاقوام بر « اخوت عمومی » حصوفی آرزو ایدنلرجه بومسئله شایان تدقیق در . شمعی یه قدر کرک اقوام مختلفه بیننه ، کرک بر قومک افرادی آراسنه هپ فتنه

وتفرقه القاسمه چالیشیلدی . بتون اولاد وطن یکدیگرندن اوزاقلا. شدیریلدی . آرایه اوله برتخم منافرت صاحلدی که از قالدی پریشان اولیوردق . فقط مظهر لطف رجان اوله رق موجودی تجزی قورتاردق . شمدی اک بیوک وظیفه من . آراده حاصل اولان بودرین بوشلغی املایه صرف غیرت ایتک در . تا که جله من ، بتون ملل واقوام ، « بنی آدم » اولدغیمز تحقق ایتسون . ذاتاً غایه دین اسلام ده بودر : بین الاقوام براخوت عومیه تأسیس ایدرک جله منی بر صراط مستقیمه ، بر طریق فضیلت وسلامته ایصال ایتک !.. بونک ایچون اسلامیتک احکام احرارانه منی اورته ده قویق لازم در که دین مینسک علوتی تظاهر ایتسون . یوقسه حالا حقیقت اسلامییه کی کثیف حجابلر آلتده صاقلارسق هیچ شبهه ایدیلسون که دین میفرزه قارش یک بیوک وظیفه سزک ایتمش اولورز . آه دین اسلام نه علوی بر دین در !.. بونک حقیقتی اوکر نهرک بتون نزاهت اصلیه سیله نشر و تعمین غیری ایتسه ک دائرة فلاح وسعادته فوج فوج قوشارلر . دور سعادته او خواهش اقوام نه ایدی ؟ او محبت نه سایده ایدی ؟ اگر حضرت پیغمبر غلظت وشدت کوستر سیدی اطرافنده کیم قالیردی ؟ نه قدر مسئله لر ، مسائل دینه وارد که سرور زمانه بسبتون باشقه شکله کیرمشدر . بونلرک هپسندن بحث ایدرک دکم . زیرا امتک استعدادینی ، ترقیات فکریه منی ، سویه عرفانی نظر اعتباره المی وجائب تحریر یه دن در . هرشیئتک تدقیقی . موضع بحثه قونولمنی زمانه ترک ایدرک ، بونکون ملی سنجاغمه یازیلان « اخوت » متعلق بر مسئله منی موضوع بحث ایتک ایسترم . چونکه افکار عومیه ده بو بایده کی احکام دینه منی اوکر نک خصوصنده بر آرزو کورولور . هم بونی سویله مدمک ده ، ظن ایدرم که ، مضرتی جلب ایدیور ، مسلمانلری عقیده سزک سق ایلور . چونکه بونکون بتون برودتلر اونودلمش ، بتون یادی اقوام یکدیگرینه اوزاد یلشدر . بو حسن اداره ایدیورسه ، بو خصوصده کی احکام اصلیه اسلامییه سویلنیرسه آتیا بیوک موفقیتلر بکله نیر ، دین جلیل اسلامه بیوک بر خدمت ایدیلش اولور اعتماددهیم . ایشته بو حسن نیتله ، دین جلیل مزک علویت و قدسیتی محضاً ظاهر مقصد خالصانه سیله بو کاتملق عربجه غایت معتبر براندره تصادف ایتدیکم تدقیقاتی ترجمیه لزوم کور یورم . تا که حقیقت هر کسجه آکلاشیلسون ، تظاهر ایتسون ده بو اخوت عثمانیه ، بو اخوت انسانیه ده زیاده کسب تأید ایلسون .

محرر محترمه قارش بر سوال ترتیب ایدیلرک کوندلرلمش . حقایق پروران امت ایچون بو طریق تعلم وتکمیل پک فیض بخشا ، پک ذوق آوردر . مناظره ، بتون علمای اسلافک اس الاساس عرفانی در . اک پارلاق حقیقتلر بویه فکرلرک چارشمسیله حصوله کلشدر . فقط هرشی بر طاقم قوانینه مربوط اولدینی کی ، مناظره نک ده کندینه مخصوص بر قانون وادی واردر . او اجله علما هیچ برقت بو قانوندن آریلادیلر . آریلادیلر ده اوسایده عرفان بشرک تعالیسنه موفق اولدیلر . بافکیز ، نه خلوص فکر ، نه صفوت لسانله صور یور . دیور که : قرآن مبینده سلام حقنده بر قاج آیت جلیله وارد اولمشدر ، مثلاً :

« و اذا حیتم تحیه فحیوا باحسن منها اوردوها » ، « ولاتقولوا لمن اتی الیکم السلام لست مؤمنآ » ، « یا ایها الذین آمنوا لاتدخلوا بیوتاً غیر بیوتکم حتی تستأنسوا وتسألوا علی اهلها » فقط بو آیات کریمه مطلق اوله رق وارد ولمش . شمدی بو اطلاق کرک مسلم ، وکرک غیر مسلم بالعموم افراد بشره شامل میدر ، یوقسه بعض صریح احادیث صحیحیه ایله تقیید ایدیلرک یالکیز مسلملری خاص در ؟ .. « مسلمک مسلم اوزنده حق افشاء سلام ، اظهار تحیه در » مانده بر حدیث شریف وار ، بو او آیات جلیله منی تقیید ایدرک بر ماهیتمه منی در ، نصل که بعضلری بویه آکلایور ، بو حدیثه استناداً بو خصوصده غیر مسلملرک سقوط حقنه حکم ایدیور ... بو . طوغرومی ؟ .. دینیرسه که : « بو عام در » ، شو حالده بونک بر عادت مألوفه اولمی ایچون بین الاقوام شیوع و تعمیمی لازم میدر ، یوقسه دکلی در ؟ ..

بو سؤاله جواباً حضرت محمدر دیور که : دین اسلام عومی بر دین در ؛ ولو تدیریجی بر صورتده اولسون ، آداب و فضائلی بتون آحاد ناسه نشر ایتک وانسانلری یکدیگرینه تقریب ایله بتون افراد بشر بیننده براخوت عومیه حصوله کتیر مک فایده مقاصدی در . ذ تا غیر مسلملرله سلاملاشق عهد نبویه ده جاری ایدی . یالکیز محاربلر استثنای ایدیلور دی . چونکه بر کیسه دیگرینه سلام ویرنجه آرتق اوزانه بر فنانی طوقونای جفنی تأمین ایتمش اولور . محاربه ده ایسه طبیعتیه مخاصمه ده بولونیه جق . شو حالده سلام ویردکن ، « بندن سکا ضرر ابریشمن ، امین اول » دیدکن صوکر اونی بوزمق خیانت ونقض عهد صایله جقدی . بونک ایچون یالکیز محاربلر سلام دن استثنای ایدیلور دی . دائماً یهودیلر حضرت پیغمبره سلام ویرلر ، جناب رسالتاب ده مقابله بیورورلردی . حتی حضرت پیغمبر افندمن بو خصوصده اوقدر ابراز نزاکت بیور بیورلردی که بعض سفها ، بعض بی ادبان ، « سلام » لفظی تحریف ایدرک ، موت معناسنه اولان « السام ... » دیورلردی . بونلر قارش حضرت پیغمبر افندمن آکلامازلقدن کلیر ، یالکیز « وعلیکم » ایله مقابله واکتفا بیورورلردی . بر دفعه حضرت عایشه ده : « السام علیک » دیدیلر ، جناب عایشه ده منکسر اوله رق : « وعلیک السام واللعنة » دیه مقابله ده بولوندی . بونک اوزرینه حضرت پیغمبر افندمن شو یولده نصایح حکیمانه ده بولونیلر : « سن اولنره باقه . سن مسلمانسک . مسلمانلر کیسه منی سوکیز ، کیسه یه لعنت اوقوماز . هایدی ده اوله دیعشار ، نه اولور ؟ اولومدن قورتوماق ممکن دکل که . بزده کله جک ، اولنره ده کله جک . سن حسن معامله دن آریله !.. » ابن عباس کی بعض صحابه دن ده مرویدر که حضرت پیغمبر افندمن ، ذمیلره : « السلام علیک » دیورلردی . ائمه سلفدن شعبی حضرتلری ، کندیسنه سلام ویرن غیر مسلملر قارش : « وعلیک السلام ورحمة الله تعالی » دیه مقابله بیورورلردی . بو ، بعضلرنجه قیل وقالی موجب اولدی . حضرت شعبی : « نه یه غربانکیزی جلب ایدیور ؟ دیدی ، اللهک رحمتدن اولنر متتم اولمایورمی ، نه ایله تمیش ایدیورلر ؟ .. » بخاریده مذکور در ، حضرت پیغمبر افندمن اوله بیورمش : « طانیدق ، طانیدق سلام ویریکیز !.. » ابن منذر ، حضرت حسندن روایت ایدیور : « [فحیوا باحسن منها] مسلمانلره ؟

[اوردوها] ده اهل کتابه راجع در. « بناء علیه ذیلہ بیلیرکه : کتابی به قارشی عین اونک دیدیکله مقاله اولور ، اگر رحمتی ذکر ایدرسه سنده تذکیر رحمتله ابراز نزاکت و اخوت ایدر جکست ! . .

ایشته بو ، برلمه حقیقت در که اسلاف کرام حضرتانک مسلک صحیح لرینی تنویر و اران ایدیور . صوکر ا اخلاف کلدی ، غیر مسلم سلام خصوصیه اختلاف ایدیلر . اکثر تله دیدیلر که : « ابتداء مسلم طرفندن سلام و بریلز » . بو حکملری ایچون ده ابن عباس در مروی بر حدیث شریفی سند اتخاذا ایدیلر . حضرت پیغمبر افندمن بویه سوبله مش اونره ابتداء سلام و یرمک خصوصتی حاجته تعلیق ایلش : « بر حاجت اولدقجه مسلم طرفندن ابتداء سلام و بریلز » دعش . . رد و مقاله خصوصیه کلجه : بعض فقها دیرلر که : « مقابله واجب در ، مسلمک سلامنه مقابله اولوندینی کی غیر مسلمک سلامنه ده مقابله تحت وجوب در » ، بعضلری ده : « مقابله سنت در » دیدیلر . کتب خفیه در اولان خانیه ده ده خفیف ، محترز برلسان قولانیلور ، ذیلور که : « یهودی اولسون ، نصرانی اولسون ، مجوسی اولسون رد و مقابله ده بأس یوقدر ! » دیک ایسته یور که : « به واجب در ، نه سنت . بلکه مباح در » . حالوکه روایات صحیح ایلر ثابت در که سنت در

ایشته حقیقت مسئله بوندن عبارتدر ، اسلاف و اخلافک مسلک لری ، افعال و اقوالی بو بولده در . مسلمک مسلم اوزرنده کی حقنی بیان صد دنده شرف وارد اولان حدیث شریفه استناد آ وارد خاطر اولان اعتراضه کلجه : بو ، غیر مسلمک حقنه منافی دکل در . سلام مسلمک حق اولمقله غیر مسلمک حق اولماق لازم کلز . سلام برحق عام در . سلام ایلر ایکی شی مراد اولور : بری مطابق تحیه ، بری ده کنیدیسنه سلام و بریلن ذاتی غدردن ، اذادن ، هر در لو فنا لقدن تأمین . بونقطه نظره کوره نه دن یالکز مسلمانلره خاص برحق اولسون ؟ تحیه البت کوزل شی در ، انسانلره قارشی فنا لقدن تحرز البت مستحسن در . نفرت و برودتی هانکی دین ، هانکی اخلاق ، هانکی عقل سلیم تصویب ایدر ؟

طبرانی و بیہقی ، ابی امامه دن بر حدیث روایت ایدیور : « جناب حق ، سلامی بزم امتزه تحیه ، اهل ذممه ده امان قیلشدر . » سلام حقنده شرف وارد اولان اکثر احادیث شریفه عام در واقعا بعضلرند ، مسلمی ذکر ایتش ، فقط بعضلرند ده غیر مسلمی ذکر ایتش . حدیث طبرانی ده اولدینی کی . برینک ذکر کی دیکرک سقو ط حقنی موجب اوله جفنی هانکی قاعده سویلور ؟

بکا کلجه — دینور حضرت محرز — بن ، تحیه اسلامک عمومی اولسی طرفنداری یم . بنجه مطلوب اولان بودر . احادیث صحیحده وارد اولمش که یهودیلر مسلمانلره سلام و یریورلردی ، اولرده مقابله ایدیور لردی . صوکر ا یهودیلرک « سلام » لفظنی تحریف ایتلری ، مسلملرک « علیکم » لفظی ایلر مقابله و اکفالری حقنده امر نبوینک شرف صدورینه سببیت و یرمشدی ؛ بوده او محرفلرک خدعه لرینه آلدانماق مقصدینه مبتنی ایدی . قواعد اصلیه مقتضاسندن در که سبب زائل اولونجه

مسببده زائل اولور . بزهیچ بر روایت ایشتمک که اصحاب کرامدن بری اولسون یهودیلری سلامدن نهی ایتش اولسون . چونکه او یهو مسلمانلر اسلامیتک کهنه واقف ایدیلر ، احکام دینیه ده حسیاتلرینه مغلوب اولمازلردی . حقیقتی سوه ، هیچ بر زمان حقندن آرینمازلردی . بوسایه ده اسلامیت آرزومان ایچنده بتون دنیا به انتشار ایتدی . چونکه برشینک ماهیتی ، ماهیت اصلیه سی آکلاشیلجه ، کوزل و علوی اولدینی تقدیرده البت اونک طالی چوق اولور . اولر قولاً و فعلاً اسلامک حقیقتنی ، آداب و فضائلی بتون جهانیه نشر ایدیلر ، اوور حقیقتنه بتون عالم ، بتون اقوام و ملل سینهنی کشاد ایتدی . اولر ، علی العموم انسانلره قارشی آداب اسلامیه نک اجراسنی ، نشر و تعمینی منع ایتدیلر . لکن اولردن صوکر ا کلن اخلاف بومسلکی دیکشیدیلر . مسلملرک ایشلمدیکی هرشیدن غیر مسلملری منعه قاقشیدیلر . حتی دیدیلر که : غیر مسلملر قرآنه نظر ایدمن ، بعض آیات جلیله بی محتوی کتابلری اوقویه ماز . بودر جهیه قدر واردیلر . ظن ایتدیلر که بو یابدقلمری دینه تعظیمدر ، مخالفلردن دینی محافظه در . بویه اجانی حقیقت اسلامدن اوزاقلاشدیردقجه مخالفینک دین اسلامه قارشی تحاشی و برودتلی اودرجه تراید ایتدی . حالوکه کوریورلر ، دینلرینی نشر ایچون فی زماننا نصارا نه قدر چالیشیورلر . نه جهد و غیرت ابراز ایدیورلر ! . مجاناً کتابلر توزیع ایلرلر ، باشقه دینده اولانلرک اولاد و اطفالنی مکتبلرنده تعلیم ایدرلر . . . هپ مقصد ، اجانی کندی دینلرینه تقریب در . . . اک بیوک امللری ، نامک عادات و شعائرند ، کندی دینلرینه طوغرو بر تحویل حصوله کتیرمک در . بویه ایکن مسلمانلردن چوق کیمسلر واردر که آداب و فضائل اسلامیه بی باشقه لرینک اخذ اتمسندن قورقورلر ، چکنیورلر . و بونی ده دینه بر تمظیم دیه زعم ایدیورلر . هم اوبله بر تمظیم که بونک فوقنده ارتق بر تمظیم اوله مازمش . حالوکه ابی بیلسونلر که بو یابدقلمری شی ، بو طوندقلمری مسلمک دین اسلام ایلر انسانلر آراسنه کشیف پردلر چکمکدن باشقه برشی دکل در . بلانک اک بیوکی ده بودر . دامولدر که ارتق بو حقیقت دیک اولنورده ، هر خصوصیه برابر بو باده ده حقیقت اصلیه رجعت ایدیلر ! . .

ع . اشرف ارباب

سلامه قادی

ارده ایکنجی فصل

صرف مادی اولان مدنیت غریبه قادیلری

عجبا تکمل ایتش قادیلر میدر ؟

مطالعات سابقه مزه طوغری ارجاع ایدیلر که اک سطحی بر نظر صراحت شونی کورور : غرب مدنیتک اصحابی اعتراف ایدیور که هنوز